



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

95. Naldeuici in Hollandia, à Guilielmo illius loci domino, collegium VI.
Canonicorum, in honorem S. Adriani, instituitur, & à Guidone Vltraiectensi
Episcopo confirmatur, an. 1307. Naldeuicensium ...

urn:nbn:de:hbz:466:1-10903

domini de Chin prope Tornacum. Est autem LANDAS vicus cum
arce, haut procul à Duaco situs, quem Philippus Pulcher Fran-
cum Rex an. 1313. Baroniae titulo decorauit.

C A P V T X C V.

*Naldeuici in Hollandia, à Guilielmo illius loci domino, collegium
VI. Canonicorum, in honorem S. Adriani, instituitur, &
à Guidone Ultraiectensi Episcopo confirmatur
an. 1307.*

VNiuersis præsentia visuris vel audituris, nos WILHELMVS de
Naelvvyck, miles, verus collator ecclesiæ ibidem, salutem
cum notitia veritatis.

Cùm ecclesia loci prænominati ad sustentationem plurium
competenter sit dotata, nos igitur, freti consilio proborum atque
discretorum, ad honorem Dei, eiusdem quoque gloriose genitri-
tis, B. Adriani patroni ibidem, atque Sanctorum omnium aliorum,
pro salute animarum parentum nostrorum, omniumque benefa-
ctorum dictæ ecclesiæ, viuorum seu mortuorum, omnes prouen-
tus dictæ ecclesiæ vacantis sex sacerdotibus, regulam Canonico-
rum obseruantibus, sub æquali participatione distribuendos, ad de-
seruiendum in perpetuum, in propria persona, purè contulimus,
propter Deum, sub forma subsequenti.

Quilibet ipsorum sacerdotum in sua septimana summā Missam,
cæterasque Horas decenter regat ac deuotè: reliquis verò diebus
quiuis aliorum, secundùm Decani ordinationem, ad Dei seruitium
fit idoneus & paratus. Curatus verò supra suam propriam portio-
nem, sex libras Hollandiæ, pro officio Curæ sibi deputato, recipiet
annuatim; & si necesse fuerit, quilibet aliorum ad sibi succurren-
dum fideliter fit paratus.

Iusuper quicunque sacerdotum ad Matutinas, ad Missam,
Vesperas, & ad Vigilias non venerit, duos denarios Hollandiæ
soluet: sed si ad alias Horas non venerit, pro qualibet Hora omis-
sa fit ad vnum denarium obligatus: & quidquid huic dirimetur,
una pars illius fit ad supplendum ornamenta; reliquam verò par-
tem recipient seruientes.

Similiter

Similiter quilibet sacerdotum stabilem residentiam in parochia prædicta faciet; nisi de licentia Decani paucis diebus exiuerit, negotium suum procurando: & quicumque horum publicè deliquerit, de prouidentia Decani sufficienter corrigatur. Concedimus insuper cuilibet prædictorum sacerdotum, post obitum suum, primum annum gratiæ pro debitis suis persoluēdis: si verò aliquid superfuerit, vna pars sit pro augmentatione communis prouentus, reliqua verò pars pro librorum seu ecclesiæ ornamentorum supplemento.

Volumus etiam omnibus modis, ne nos, vel aliquis nostrorum successorum, aliquam prædictarum præbendarum alicui conferamus, nisi idoneo sacerdoti; nec quis siue Decanus cum Canonicis, seu aliquis aliorum de vera collatione prædictarum præbendarum se intromittat, nisi nos & nostri successores. In cuius rei testimonium præsenti scripto nostrum sigillum duximus apponendum.

Reuerendo igitur in Christo patri domino nostro Guidoni, Dei gratia Episcopo Traiectensi, supplicamus humiliter & deuotè, quatenus suo consensu ac sigillo, ad honorem Dei, suprascripta dignetur confirmare.

Et nos Gydo, Dei gratia Episcopus Traiectensis, ad honorem Dei, atque eiusdem gloriose genitricis Mariæ, B. Adriani, aliorum quoque omnium Sanctorum, omnia suprascripta nostro consensu atque sigillo confirmamus. In cuius rei testimonium præsens scriptum nostro sigillo, vñā cum sigillo domini Wilhelmi de Naelvvyck, duximus roborandum. Datum anno Domini millesimo 1307: trecentesimo septimo, in die Luciæ virginis.

*Naldeuicensium præbendarum numerus usque ad XII. à Guilielmo,
illius loci domino, an. 1369. augetur, Ioanne Viernenbur-
gio Ultraiectensi Episcopo approbante.*

IOANNES de Viernenburch, Dei gratia Episcopus Traiectensis, dilecto nobis in Christo filio WILHELMO de Naelvvyck, Armigero, salutem in Domino sempiternam.

Vt in ecclesia collegiata de Naelvvyck, nostrę diœcesis, cuius ecclesiæ & præbendarum eiusdem dignosceris esse patronus, in diuini cultus augmentū, numerum augere valeas præbendarū, ipsifsq; præbendis particulariter vacantibus, propter excrescentiam fructuum,

F f f 3

cas

cas diuidere, & de vna plures efficere (saluo iure superstium, quibus de hoc nolumus derogare, dummodo per industriam tuam & prouidentiam, personis, quibus eas conferes, satis idoneis, & competenter in temporalibus & in vitæ necessarijs subueniatur, in quo conscientiam tuam oneramus) præsentibus indulgemus.

Saluis ipsis adiectis de novo Canonicis, & ultra numerum antiquum, consuetudinibus, libertatibus & priuilegijs, per prædecessores nostros ac aliunde quæsitis & concessis eisdem: quibus eos novos & antiquos uniformiter gaudere volumus, & nunc & in ænum; iure nobis competenti, prout hactenus obseruatum est, semper saluo. In cuius rei testimonium, sigillum nostrum præsentibus

1369. duximus apponendum. Datum anno Domini millesimo trecentimo sexagesimo nono, mensis Maij die octaua.

NOTATIONES.

NAELDVVYCK) Naldeuicus, municipium Hollandiæ, prope Grauesandam, secundo lapide ab Haga Comitis, olim potentes habuit dominos, quierant hereditarij Marescalli Hollandiæ.

Ex his Guilielmus, miles, collegium sex Canonicorum Naldeuici an. 1307. instituit: quem numerum Guilielmus, Armiger, Guilielmi militis filius aut nepos, an. 1369. duplicauit. Sicque xii. Canonicis collegium Naldeuicense constitut, olim in Ultraiectensi, post in Harlemensi dicecesi.

Naldeuicense municipium, cum vicis adiunctis & arce vetusta, Honshole nuncupata, Carolus Comes Arenbergicus Henrico Saluio, Mauritij fratri, nunc Principi Arausionensi, vendidit.

CAPUT XCVI.

*Philippus Comes Namurensis, in S. Albani basilica, Capellaniam
an. 1336. fundandam curat, iuxta voluntatem & lega-
tum Guidonis fratris sui ac predecessoris.*

PHILIPPVS Comes Namucensis dilectis & fidelibus nostris, Preposito, Decano totique Capitulo ecclesiæ nostræ beati Albani Namucensis, ac alijs præsentes litteras visuris, in Domino salutem.

Cum